

梁谿先生文集卷第十五

特進觀文殿大學士致仕隴西郡開國公食邑
四千四百戶食實封一千七百戶贈太師謚忠

定李綱著

詩十一

江南道中及歸抵
海陵作四十七首

陶淵明嘗設形影神問答賦詩三首請之有感因次其韻

次韻李似之秋居雜詠十首

隄風舟中有感

喜雨

雙鳧

雪

江中值雪戲成短句

舟次儀真

次韻王堯明遊北寺

次韻王堯明三絕

次韻茂載海陵寓居有感三首

次韻王堯明喜雨古風

送虞季然赴八寶丞

次韻曾徽言登北禪寺塔

次韻徽言招飲絕句

讀陳子直短歌次韻

次韻和王堯明四早詩四首

次韻虞公明察院賦所藏李成山水

再次前韻

次韻曾徽言桂漿

讀王堯明贈諸弟和陶詩次韻為別

虞公明出示序觀音詩事并頌次韻

贈虞公明察院

讀錢申伯與仲弟唱和次韻見意

往復詩多用佛語再次韻示仲輔

題李茂舉擁書堂

次韻徽言見贈

堯明以五詩賚行次韻第五首爲報

自海陵泛江歸梁溪作

次韻和淵明形影神三首

形贈影

大塊已載我何如未生時氣變芒芴間七竅誰鑿之
百骸與九藏假合以成茲與子非故交從我如相期
屈伸及動止契合初不思常恐隨物化念此情淒洏
我生夢幻中變滅不復疑安得永相保聽我悲來辭

影答

紆餘非我妍濩落非我拙與子兩相依生來無間絕
俯仰隨顧指豈是事容悅因光長周旋處陰暫睽別

况復同物化子壞我亦滅冥冥長夜臺念之五情熱
願子衛生經無使精腦竭千載永相從彭殤孰優劣

神釋

人生若大夢積微以成著少壯得老死一念卽非故
二子異金石松蘿薨依附胡爲羨久生切切兒女語
有形會當滅是影無實處惟我謝客塵妙湛乃常住
不入造化機豈墮陰陽數迴光試返照凡聖悉皆具
不滅亦不增誰毀與誰譽超然外死生卓爾無來去
周行萬物表獨立初不懼二子非吾徒安用多憂慮

次韻李似之秋居雜咏十首并序

予素有高世之志家梁溪上田園足以供伏臘泉石
足以供吟哦歸自謫所藉此就閑而巨盜方起干戈
相鄰聞諸弟奉親挈族旅泊淮甸田園泉石皆未可
保慨然感懷過金陵邂逅李似之出秋居雜咏十篇
因次韻和之據情言志不必以秋爲興也

達人有大觀曲士多自束忘真供物役終歲惟僕僕
所以梁溪翁歸來藝松菊寒泉友龜魚豐草侶麋鹿
清風爲掃門明月相照燭世故悉棄捐吾方樂於獨

又

亭亭南山松下蔭千里道結根旣得地秀色一何好
歲寒霜霰苦獨立君子操如何慷慨士百慮繞中抱
寸心多感傷搖搖若旌纛逝將歸江湖更拜散人號

又

烏鵲故巢心鴻雁稻梁謀梁溪十畝園歲晚營菟裘
自我去泉石歲律纔一周安知巨盜起千里來蜂蠶
老稚適淮東旅泊如寄郵已矣復何言吾生感行休

又

鼓鼙思將帥戡亂屬豪傑吾儒貴全材冠履仍佩玦
憬彼乘間盜萌蘖傲霜雪鋤惡當務本使眾宜以悅
一掃巢穴空毋俾蟻蝸結安得李臨淮念此五情熱

又

禪悅知道腴寂樂忘世喧自從遊宦來常恐歲月捐
願從善知識超然同晤言心清聞妙香不必爐中煙
竹實自鸞鳳腐鼠從烏鳶典籍亦可棄魚兔非蹄筌

又

取飯遣化人散花有天女維摩一方丈安用室百堵

况我麋鹿姿本非冠冕伍脫身歸梁溪簑笠釣烟雨
結交有風月掃念無寒暑巨盜儻削平此志良自許

又

兩曜真跳丸百年如轉軸富貴能幾何飄若雲過日
惟有金仙書可以靜中讀冷煖初自知運用要當熟
仲尼貴毋我老氏欲爲腹悟真奚必多半偈亦云足

又

我行大江濱舉頭見鍾山清風自南來長嘯宇宙寬
邂逅適相遇取友平生端戀戀故人意憐此范叔寒

世路方多虞期子慎所安他時來訪我陋巷一瓢顏

又

朝市不可留山林有佳趣結廬無人境散策時遠步
手携葛翁杖足躡祖師屨一笑浮世空歛若草頭露
幻身初飽煖此外復何慮休閒東陵瓜且種梁溪芋

又

浮雲不成雨晶晶行晴晝朝蔽扶桑日夜掩長河宿
迴飈一掃除戢戢見遠岫青山與白日四顧喜瞻觀
願乘六氣辨撫手摩宇宙泠然御風行平昔笑禦寇

樹
唐白居易詩
四

阻風舟中有感

扁舟泊在渚邈在大江南風雲鬪未息波濤戰方酣
閉關坐明窓開卷窮幽探氣寒覺火冷志苦思藥甘
深炷一爐香默默聊自參半世徒擾擾忙如未繭蠶
又若伏櫪馬未脫轡與銜逝將歸山林餅錫寄一巖
願從祖師六不學黃庭三得此無所得超然離聖凡

喜雨

北風吹雲雲不開濛濛細雨和烟來舟行雖阻亦可
喜潤澤及物誠佳哉我辭閩嶺遵江渚百日皆晴未
嘗雨江淮早曠已逾年牟麥焦枯但黃土漕渠千里
不復通况復巨盜興兵戎從茲一雨百事散願化災
疹爲康豐

雙鳧

雲濤萬頃連天雨波上雙鳧自容與風高江闊煙水
寒日暮相將何處去

雪

小雨晚成雪凍雲凝不開響窓初索索積岸漸皚皚
色與濤頭並寒資酒力排平生看圖畫今日畫中來

江上值雪戲成短歌

我來自南今幾月萬里不曾看點雪
艤舟江南煙水灣雪作春風更奇絕
凍雲漠漠愁鎖空初聞冰霰響
窸篷蛟人泣下玉盤碎珠璣
亂落層霄中須臾雪片大如指
密灑江干浩無際白帝從以萬
玉妃婀娜旂常墮雲水迴風飄
舞轉交加坐看汀洲鋪玉沙已驚
綠柳早飛絮更訝黃蘆還帶花
沙頭鳧雁自儔侶天暝雲寒去
何處漁翁獨立釣清江披得一
簑非好句

淮南一作淮東

梁溪居士初歸來對此超然慰所懷
家在淮南阻行

色晴天且爲片時開

舟次儀真

昔年試吏得江城一紀重來若隔生
惆悵舊遊誰可語南園春色却多情

次韻王堯明遊北寺

小雨濕殘花迴風振芳草勝遊宜及時
嘉此春物好蕭然二三子散策窮杳渺
招提枕郊坰殿閣出林表中有王屋泉
一酌百慮澡踟躕古城隅幽徑通翠篠
嗟予阻追陪正坐塵事繞衣冠方北渡
親故幸非少

客情終念歸回首雲縹緲遙憐松菊荒仰羨鶴鶴矯
田園誠可樂鼙鼓尙驚擾何當終素心永嘆憂用老

次韻王堯明三絕句

春風初入牡丹枝國色天香豔姣姬堪笑謫仙猶半
醉清泉沃面與題詩

康時致主接英遊姚宋開元第一流樵悴三閭空澤
畔離騷終日念靈脩

鄭衛曲終纔奏雅詞人賦咏本無誇未能句語全無
類猶貴瓊瑜不掩瑕

次韻茂載海陵寓居有感三首

羣盜休憑險天弧正指狼犬羊徒跋扈貔虎極精強
寓目江山異傷心花草香浙河那得此回首一彷徨
江城飄泊久幽徑綠寒莎歎息青春暮悲傷白髮多
蒼生端若此狂寇竟如何更起乘桴興滄洲萬里波
不謂繁華地還飛戰鬪塵澆愁空泥酒極目更傷春
懷古繙書帙論情托友人誰深醫國術吾欲問甘辛

次韻王堯明喜雨古風

神化茫茫端莫測不用踰時忽盈尺誰云幽默志難

通一念周圓誠已格井枯河竭欲飛塵麥秀漸漸實
半振翠虬潛伏杳無處遺蝗出地方鱗鱗觀音妙智
慈悲主爲灑楊枝作甘雨應憐禱禱聲勤渠故遣神
人夢中語雨暘之數雖有時遲速亦可精神移世間
萬法盡心造報若影響寧難期不知今夕復何夕千
里風雲來陣墨驅雷掣電雨建瓴似赴前期初不戒
威神自在誰復如喫酒投醴術已踈有秋頗足慰民
望可喜更須煩史書衣冠北渡連堵堵旅食經時念
終窶已欣霖雨起蟠龍更慶天兵擒猛虎邇來世事
不掛心惟有憂國思猶深安得年豐羣盜息歸助擊
壤堯民音

送虞季然赴八寶丞

流落歸來旅海涯相從幾集鳳皇池
蹙欣捉麈共談笑還惜整驂言別離
爲祿未能忘斂板掃廳應不廢
哦詩如公豈是徒勞者勉繼前修結主知

次韻和會徽言登北禪寺塔

佛教入中土貝多凡幾翻
摩騰導其流僧伽鼓其瀾
乃建窳堵坡高標屹參天
劃如五彩虹上與青霄干

堵坡一作有波

茲塔更奇古層簷俯通川江上遞隱見萬象森回環
公子抱遠韻登臨渺風煙仰穿龍蛇穴傍瞰日月懸
茫茫悉細碎寓目疑無全歸來吐妙句字字勞精甄
嗟我方屏處勝遊阻清緣幸窺慈恩作如見眾寶山
宗風久寂寞紵絮何其寒安得獅子吼震此龍象筵
關弓挾白羽橐鞬相周旋當分寶塔座一瞬三萬年

次韻徽言招飲絕句

壓架醱醱翠蔓柔經春芬馥未全收主人邀客醉花
下共喜王師破蔡州時聞淮東捷報

讀陳子直短歌三復而悲之次其韻

君不見韓昌黎文章二百年又不見杜陵老風月三
千首號寒啼飢四壁空漫有篇章在人口書生生事

良易足深林一枝河滿腹但令藜藿可充腸便把離

騷書中讀畫一作靜儒冠誤身誠可憐陳侯半世身猶遭斗酒

初乏青銅錢忍餓哦詩空可傳富兒菽粟泥沙擲不
必登朝家萬石水陸畢陳方丈食錦繡還將被墻壁
但資口腹爲身謀問以詩書初不識天公賦予真相
百彼富吾仁如黑白鄉黨寔無急義人誰哀王孫與

進食嘗思漂母飯淮陰何用區區論報德

次韻王堯明四旱詩

河運

漕渠如坦途泛此來住宅疏川誰之功乘木本諸益
常疑侔滄溟巨釣可龍伯那知旱暵甚有此困涸阨
豈無車班班莫勝倉箱積譬猶一鷲飛孰與鷲累百
汲江勞甕盎禱雨費珪璧端爲魚鼈憂無乃雲雷數
安得千里波篙師發櫂歌願借壯士手爲予挽天河

井汲

我居梁溪傍密邇陸子泉漂流旅海陵又欲買一廛
願言酌甘芳爲滌腥與羶居然值歲旱此志無由全
有井盡枯涸簡編匪虛傳夜汲費燭炬晚趨駢足肩
一壺信千金一飲或萬錢逝將向井拜飛泉爲濺濺
泓澄古鏡色汲引星光圓洋洋療衆渴不竭如巨川
井收遂勿幕瓶盆迭回旋飲水自可樂安用井底眠

哺祭

聞旱意不樂駕言遊近坳田父紛在野祭哺方乞靈
借問何以然東臯產蝗螟主張有神物薄禮羞微馨

神欣庶災熄敢愛酒滿瓶導我試往觀戢戢初挿翎

欣一作敬

剪穗齊若刀抱稈牢如釘異哉天壤間孕此妖孽形

屯一作運

羣族既蕃衍氣類屯騁腥仲尼所不堪紀異垂麟經

昇火見周雅捕瘞聞唐庭人力自足勝何須詰冥冥

聰明實依人正直神所聽區區觴豆間厥德安足銘

誰能起雲師霑雨驅疾靈一洗羽孽息寥落如晨星

雩禱

雩祭法已古東方見蒼龍厥後茲禮廢但禱釋梵宮

淮堧值歲旱川涸山欲童以下闕

次韻和虞公明察院賦所藏李成山水

畫史古多有李生獨寶傳譬猶古人書墨妙稱誠恐

尤物世難蓄變化登雲天流落人間者遺跡猶緜緜

此本更奇絕高深自山淵想當盤礴時舐筆應如椽

樓觀抱空曲林苒靄層巔屹然巖石姿潤比金玉堅

倏忽變寒暑霏微起雲煙高堂寓遠目如墮嵩華前

迴觀舊所藏一一可棄捐乃知蓋代手筆力能旋乾

衆工畫山水意匠勞雕鐫惟茲得簡易大巧初天全

鑒裁有精識丹青孰爭先何須嫫媠醜如辨西施妍

嗟我性迂拙漂流方隱鄧幸從長者遊坐使伊鬱宜
嘯咏圖史間高臺謝牽攀新詩與妙畫更使窮鑽研
愧乏色絲句爲續金聲篇端思畫中趣祇欲休林泉

再次前韻

妙手不可遇心匠良難傳於中營邱生名若日月懸
胷次有衡霍筆端合其天坐令衆畫史縮手嗟材絀
公於何處得藏此圖書淵畫賞不知厭夜觀燭如椽
我昔遊七閩足踏羣山巔最愛演仙峰石色潤且堅
樓臺與粧綴輕素抱晴烟劫來見茲畫恍若復造前
爲技一至此丹青誠可捐譬猶繪神駿不必錦連乾
陽嶺鬱葱舊陰崖極鎔鑄人禽與屋木種種法象全
往者邈難追後來誰復先新詩爲發揮與畫爭清妍
寶劍藏古嶽賢士隱里鄧一朝遇鑒賞煜若五采宣
顧我涉道淺遊世困繫攀惟有古人心刻意思精研
茲畫不可取但誦瓊瑤篇何須畫中看吾方老雲泉

次韻曾徽言桂漿

金椀擎來碧玉漿端令祥暑吸飛霜何須社甕麴葉
法自帶廣寒風露香清入肺肝殊有韻甘餘齒頰固

難忘七畝已勝盧仝茗似得仙人石髓嘗

王堯明贈諸弟和陶詩次韻爲別

鷓巢安一枝鵬運圖南溟巨細自有適坐見萬物情
昔別東都門我方墮蠻荆豈知復會合濁酒敘平生
念子抱器業出值時清明騫騰發素蘊當使王化平
而我志邱壑肅肅正遐征竊比淵明歸逝同沮溺耕
脫屣謝軒冕超然無所縈出處良異趣勉哉垂世名

虞公明出示序觀音詩并頌次韻

聞思大士真奇絕俱妙形神侔玉雪譬如水月自清
涼能與世間除惱熱自從證悟今幾劫定慧慈威初
不滅解脫會因無盡宣圓通更假文殊說森然寶臂
清淨目八萬四千猶一決一作決依怙羣生願力堅宴坐諦

觀塵世閱先生往時墮憲網澤雉在樊鷹在繼默相
虔誠賴覺慈灼知情實蒙聖哲踰年海上得歸來月
險豈殊探虎穴精剛何啻金百鍊忠藎端同水萬折
觀音在處皆現前不必圖繪勞携挈此方教體在音
聞悟入此門良不拙更將妙語贊悲心功德須知莫
如舌

贈虞公明察院 并序

寓居海陵初欲問道每見輒爲棋戰所困此
殆曹參陽城醉客以醇耐意臨行作此詩庶

幾發藥

岿堯古城隅下爲鳳凰池鳳去不復返池水空漣漪
傍有幽人廬松竹森四圍結構極爽塏借問居者誰
先生聞道久昨自海上歸食棗大如瓜定曾見安期
不知修何術能奪造化機金鼎燦含葩玉池盪生肌
顛倒出龍虎騰降分坎離行年五十餘氣貌如嬰兒
餘暇付圖史不廢酒與詩高堂會賓友落筆風雨馳
戲事聊復爾一笑初何爲懸知廣成子千歲形不衰
顧我抱迂拙與世真相違徒欲晞驥驥曾未窺籓籬
寓居邇函丈數造董公帷願聞衆妙門成此一段奇
胡爲久閉拒客至輒圍棋歸隱志已定後會知何時
銘心誓相學發藥幸教之他年倘有得同駕雲中螭
讀錢申伯與仲弟唱和次韻見意
未忘世故似梅仙謦欬那離狗馬間肯信片言功若
藥坐使四海安如山從來療疾應須艾盍有艾丸如

許大扁鵲先知今豈無和緩高談良有在錢郎志氣
絕可人不減風流温太真新詩欲嗣汲黯直陋巷更
甘原憲貧我有故園依北阜松菊歸來知好否着鞭
願子勉爲先我已摧頽瞠若後

往復詩多用佛語再次前韻示仲輔

遠涉異域求金仙豈知不離方寸間此門悟入真捷
徑安用困苦棲窮山憑君試灼一炷艾能已千疴窳
四大病根若悟本來空是則名爲觀自在平生見盡
學道人捨妄求真不識真指端明月休錯認衣裏寶
珠元不貧巍巍蕩蕩如山阜長與君俱君見否仁者
自生分別心斷際何嘗有前後

題李茂舉擁書堂

小堂深穩據西偏插架牙籤燦屬聯萬卷新如手未
觸五經嘲解腹空便子同蔣詡開三徑我學揚雄老
一廛歸去梁溪謀築室隔江相望兩儵然

次韻微言見贈

白首窮一經此道何嘗東陋質誤識擢珥筆宸庭楓
胸中何所有耿耿惟孤忠謫官乃自取寵辱久矣同

謁來旅江城勝遊幸從公歛暱譙笑歡顧忘身世窮
十年倦遊意一笑回首空尙餘愛君心夢繞明光宮
夫子抱高趣才氣凜以雄揮毫寫妙語煜若五彩虹
寔淹江海上行遣鷓鴣中放懷且玉友不用酤郵筒
堯明以五詩贖行辭意激昂欽玩無已輒用第

五首次韻爲報聊發一笑

吹臺一罇酒平昔接英遊棘闈澹墨榜曾見成名秋
焉知江海上乃復同唱酬子如清廟器端俟識者收
又如御厨珍可用三公羞高志凜冰雪妙語鏘琳球
三年未飛鳴一舉宜無儔我已謝世網逝將老一邱
願子勉自愛食肉鄙虎頭名節乃難立富貴良易求

自海陵泛江歸梁溪作

清江湛湛波不興澄江際天如鏡平火雲突兀聳峰
岫倒影萬丈搖空明扁舟歸逐落潮急聒耳但聞雙
鷗聲乃知長江無六月水氣自與風兼清去年狂寇
起歛睦江浙慘澹妖氛凝百年涵養極繁盛一日蕩
析屯臊腥衣冠北渡旅淮甸扶老携幼紛從橫王師
出討盛貔虎兇渠授首封鯢鯨迨茲浙右稍安定鼓

梅復作東南征家山在望已可喜童僕候我應歡迎
平疇戢戢稻秧綠峻嶺靄靄松林青田園有趣良足
樂軒冕無味非所榮蒼生儻有安堵望笑傲自可終
餘齡只今餘孽尙充斥努力廟筭宜哀矜裹包兵革
不復用坐使四海還康寧

四月二十六日已刻校

梁溪先生文集卷第十五

梁溪先生文集卷第十六

得進觀文殿大學士致仕隴西郡開國公食邑
四千四百戶食實封一千七百戶贈太師諡忠

定李綱著

詩十二 癸卯至甲辰歲作四十四首乙巳春赴奉常召如京作八首

序

次韻上元宰唱和古風

寄許振叔顯謨

次韻仲弟古意

次韻李似表縣丞出示遊西湖古風二首
似表復以詩來再次韻

寄池陽黃季岑士曹二首

冬日登小閣有感呈子美提舉二首

送鄧志宏往試南省

次韻仲弟獨遊惠山古風

吳元中著詩義見示因成三篇贈之

題伯時明皇蜀道圖

送韓茂遵解元赴試南省

邵平種瓜圖

寄題外氏松源紹祖亭

近以詩寄許振叔承林德祖見和復次前韻寄
之

次韻顧子美見示題曲江畫像

小閣晚望書懷一百韻

唐植甫左司許出示所藏紅絲硯戲成短歌

次韻子美提舉許雪中所見過之作

次韻邵子非見贈之作

次韻子美寄汪彥章同遊惠山之作

蔣山佛果師爲緣事來而此土方飢戲賦是詩

次韻葉少蘊內翰丈雪川上買得弁山石林二

首

近約周仲居同遊陽羨以私故不果見寄筭簾

次韻顧子美見示久雨三首

寄毛達可內翰并錄送魏公別錄

蕲菜

送李泰發吏部赴官陽朔

寄李泰發吏部

同翁士特小飲中隱堂

士特見和復次前韻

同士特遊惠山再次前韻

題周孝侯廟

余乙巳春赴奉常召如京師五月四日同似表叔

易遊北固甘露寺

雨中渡楊子江書懷呈似表叔易

同似表叔易置酒平山堂

過召伯埭遊斗野亭次司諫孫公韻

途中書懷

新開河食鱖魚戲成

泗上瞻禮僧伽塔

沐上有感

序

余頗謫沙陽迨嘗恩歸往還幾涉三歲觸目散懷
一寓于詩得古律數百首自罹艱棘絕不復作今秋

既御祥琴適友人胡俊明寄示鍾山酬唱因次韻和

之自此漸理筆墨畦徑吟哦綴緝寄傲傲烟霞泉石間

以爲閒居之適當浸成篇軸漫錄之以貽同志者時

宣和癸卯冬至後三日梁溪居士序

次韻上元宰胡俊明蔣山勤老唱和古風

竺教流傳入中土以相求之無自可達摩西來直指

心擬議之間已蹉過皮髓誰分深淺機祖禰翻成子

成一作貽

孫禍鍾山禪老真可人高唱宗風震江左學流雲集

欲何爲佛祖要須自心作宰官倥偬牒訟間偷暇相

從還作麼也知襟抱素相親更把篇章迭酬和詞嚴

意密讀難曉字順文從識皆妥應憐孤陋方杜門亦

欲追隨良未果故將佳句寄幽人此意勤渠滋愧荷

談空摩詰無一言聽法文殊非兩個若將情解議真

如明眼人前應看破世間萬法互低昂正若旋輪與

推磨隨時俯仰乃善謀就中拙者無過我九折羊腸

欲着鞭萬里滄溟思縱施只今行年四十餘已覺衰

頹多坐卧平生作具何所施盡已付之一弄火迴光

返照默自參妙湛本然無點漉公方齒壯志氣豪正

可立功同魏顥胡爲亦復味禪那坐視軒裳如繫鎖

蓮社莊嚴清淨池丈室含容高廣坐他時共結香火

緣心期耿耿當非頗爲余稽首問勤師如師材德誠

磊砢釣龍羅鳳大江濱法器誰爲語無墮庭前倘有

立雪人我欲因風致三賀

寄許振叔顯謨

我向江湖老此身公猶拘繫作羈臣
蘭宮笑語直一夢澤國過從今
幾人霜落洞庭橙橘熟泉斟桑苧
茗芽新相望百里如千里早晚歸
來共釣緡

次韻仲弟古意

棟蓼相繁紫華鴿原同急難富貴何足羨
名節在所完吾家諸弟昆擢秀森琅玕
雖無金朱樂顧有道義歡故人豈不多
誰念范叔寒卜築九峰下鹿此拙且頑
山光入戶牖溪水清不湍我屋雖無華
容膝審易安田疇半菽莠念茲歲方艱
虛堂室味圖史小圃執莖蘭蕭然寂寞濱
庶保餘齡閑哲弟富才業壯志思昭姦
勉哉振此道吾方閒處看

次韻李似表縣丞出示遊西湖古風二首

迂愚與世違一作欺深妨方自屏蕭然巖壑心
不與餘事並

澄湖武林西風物非塵境願為鏡一作境中人此志久已定

卜居梁溪濱日汲陸子井幽夢繞湖山
妙境神先領浮家若雲間初不費馳騁
招携得佳友高咏笑匡鼎富貴如浮雲
功名真畫餅且盡李鷹盃更飽盧仝茗
李侯東南來胸次涵萬頃作詩寄幽尋
句法言可永寄一作絕

念子到山中天地正淒冷青鞋踏冰霜共賞誰復肯
勝遊子先之吾亦行買艇

李侯嗜學古餘事皆遠屏昂昂鸞鶴姿豈與凡禽並
捧檄來南州初識浙江境尋盟歛吾廬不待日中定
從容叩所得響答如汲井時方羅俊久宜久淹簿領
清秋鵬鶚飛大道驂騑騁詞章尤激昂筆力可扛鼎
虛堂縱談笑霜月掛金餅夜闌言愈微至味嚼芳茗
古來會合難歲月積俄頃願子慎所之萬里路方永
吾衰老閒曠軒冕志已冷棲遲邱壑間此興良自肯

他日來相遇梁溪尋釣艫

似表復以詩來再次前韻并簡以矩待制似之

舍人

吾宗抱逸韻試吏得南屏掃廳日哦詩俗士駕敢並
雙溪與疊嶂拄頰對佳境諸昆奉板輿晨夕嚴省定
仲氏近剖符鍊養窺丹井叔兮久燕閒禪要心獨領
何人繫驥驥逸足未高騁會當歸本朝友一作朋宗社重九鼎
衰疲老山林耕釣俱餌餅叩門欣得友草草具醪茗
追思會金陵三載如食頃契濶懷晤言川途阻修永

臨流送將歸歲晏風霜冷寄聲昆季間卜隣誰定肯
天高煙霧深且縱江湖艇

寄池陽黃季岑士曹

昔年多士萃南宮曾見雄文^燭彩虹萬里相期霄漢
上一官猶在大江東新詩寄遠句增麗舊事追遊夢
已空努力要津張此志吾方寒釣五湖中
稚年嬉戲曾遊地往歲飄零假道還溪水寒生江祖
石洞雲深接九華山錦苔綠字幾多在石鵞白鷗相
與閒幕府詩人富家學定留秀句滿巖間

冬至登小閣有感呈子美提舉奉議

霜落風高萬里枯孤鴻窅窅下平湖行藏誰會倚欄
意嘯咏助為終老娛寒日溪山相映^{映帶掩諸}暮雲樓閣半
虛無何人妙解丹青事畫作朝川煙靄圖

遠舍松林寒不枯煙霞深處見澄湖縈青綠白知誰
賞把酒裁詩可自娛剡曲幸非千里遠同雲又復一
冬無會當半夜溪山白乘興真為訪戴圖

送鄧志宏赴試南省

杜門憂患餘戚戚常鮮歡故人千里來一笑解我顏

念昔寓沙陽溪山鬱迴環游從得良友妙賞窮躋攀
別來幾何時歲月驚飛翻索居無與遊衰病兩鬢斑
子充觀國賓假道叩我關草草具盤饌把酒望西山
道舊訪陳跡相對如夢間顧子若鴻鵠整翮正高騫
軒然四海心豈憚行路艱努力取殊第自致青雲端
春風得意後期子從茲還

次韻仲弟獨遊惠山古風

我家九峰下跬步臨勝境循除環佩聲滿庭松桂影
宦遊阻幽尋每若龜引頸十年旅京華萬里走閩嶺
歸懷寄清夢投檄期自請向來兵火作此地偶無警
餘生集百憂負郭耕二頃新交浸已疎舊學謀復整
功名一灰燧毀譽兩鼃黽抱拙與世違退縮甘遠屏
杜關絕外遊但欲俗緣省茲山乃故人雅契相與永
登臨富泉石探綴足芹苳下瓢酌甘芳日汲謝餅紉
胡爲久不到有媿稚川井仲弟絕俗姿好勇先我騁
新詩紀清賞得句頗彪炳艱難見鴿原歲月侵晚景
相期老邱壑不復歎土梗梁溪寒可漁簑笠同舴艋
寧如六一翁終日思汝穎方茲築吾廬跼伏念前脞

面山開小閣制度閒深靚山氣日夕佳爽致當共領
夜久霜露寒星月光罔罔冷然欲御風豈憚廣寒冷
鄰鐘韻更幽皓鶴唳方做深灶一爐香宴坐得三省
得吳元中書言近不作詩以所著幽七月詩義

見示因成三篇贈之

盱起幽居尙閉關忽傳尺素破愁顏迂踈似我宜深
隱才術如公豈暫閒雅意未曾忘北闕勝遊今日且
東山十年迴首當時事歎息人生似夢間

底事年來不作詩應緣思苦少人知凌雲健筆含毫
日照眼花枝得句時陶冶性情端賴此詠嘲風月漫
多爲驛筒若許陪酬唱朱字青牋復寄誰

儒生樂事信同風端把前言當鼓鑿公正說詩箋七
月我方學易緯羣龍艱難盛業原衣食憂患餘生問
吉凶去聖寥寥千載後何時揮塵得從容

題伯時明王蜀道圖

君不見開元天寶同一主治亂相翻如手舉擘盈欲
惡雖一人變易安危原近輔姚宋已死九齡黜誰使
楊釗繼林甫宮中太真專寵私塞外番酋成跋扈禍

胎養就不自知漫向華清遺七筋漁陽突騎破潼關
 百二山河震金鼓翠華杳杳幸西南赤縣紛紛集胡
 虜傷心坡下失紅顏墮淚鈴中聞夜雨山青江碧蜀
 道難殘閣連空儂相拄旌旗慘淡雲物愁林木陰森
 援鳥侶戎裝宮女亦善騎皓齒明眸一作如猶笑語老髯奚
 官驅蹇驢負橐齋糧豈供御九重微衛復誰勤萬里
 難危真自取至尊狼狽尙如此歎息蒼生困豺虎千
 秋萬歲不勝悲玉輦金輿盡黃土空令畫手思入神
 一寫丹青戒今古

送韓茂遵解元赴試南省

憂患餘生日社關幅巾肯顧得開顏虛堂把酒延佳
 月小閣哦詩對遠山子學鷓鴣將海運我同猿鶴且
 雲閒都城故舊還相問爲道衰頽鬢已斑

題邵平種瓜圖

君不見伯成子高讓一作棄侯爵在野終年自耕穫下風趨
 問禮徒勤佻佻田間事無落又不見於陵仲子推相
 位爲人灌園刈葵藿抱甕區區同漢陰不糝藜羹有
 餘樂古來賢達有如此志趣未可常情度力辭富貴

居貧賤凜若霜風墮輕箠邵平本自侯東陵秦破國
除休一壑當時漢祖疑鄧侯置衛增封意非薄眾賔
皆賀平獨弔一言轉禍推先覺以茲智略佐風雲復
取故封何所作歸來種瓜青門外灌溉耨耘甘寂寞
長安之東壤尤美翠蔓離離照城郭秋陽正熾瓜正
肥解衣摘實如俛鶴兒童玉立形骨清挈笠携筐助
操作遂令世美東陵瓜身後高名動寥廓屠販曾聞
封絳灌奴僕後來與衛霍高鳥已盡良弓藏更有韓
彭辱囚縛何如終老守瓜畦白飽飽他真不惡龍眠
也是可憐人畫此端令事如昨世間如畫畫如夢聊
爲作歌資一噱

寄題外氏松源紹祖亭

東劍艱危際結廬閒曠瀆全家人青嶂避地爲黃巾
族系歸圖譜風流靄薦紳雲仍藉餘澤勿替德維新
外族雲峰畔新亭烟水濱兒童舊遊地感激易霑巾
竹裏鶯鳴珮山邊繚素紳何當俯軒檻一覽物華新
近以詩寄許振叔承林德祖見和復次前韻寄
之

甫里先生早乞身最憐流落漢庭臣也知雅有緜絕
意故使同爲蓮社人佳句傳來油素濕靈文繡處貝
多新更煩爲指趨真路舊國于今草木緝

次韻顧子美見示題曲江畫像

天眷李唐能肖德異人間出生其國于中貞觀開元
間譬若豐年多黍稷曲江擢秀自妙齡國器早被燕
公識文詞瞻蔚冠後來大冊高文振鴻筆孤生徒步
起荒陬職秉鈞衡爵侯伯一時推挽盡正人讜議嘉
謨咸可績能于偏校識胡雛此理未可常情億哥奴

豈是郎官才誰使巖廊久揚厯肩宇津津挾免雕醜

揚一作踐

藉居然困摧抑正衙造膝爭相臣豈止伶官論安叱

屋一作幄

天意方將啓祿山帝心那解疑仙客房屋陰謀獨上

陳三子未寃繫巨力偉哉相業繼姚宋允矣威聲落

夷貊千秋金鑑奉君王仁者之言古遺直咏燕論心

詎免猜賦扇陳情竟何益黃鐘毀棄瓦釜鳴鳳去鴉

鷗集槐棘固知骨鯁易嬰鱗坐使姦諛得乘隙一麾

南一作曩

出守來荆南直道忘懷謝欣戚詩篇冥助得江山文

史終年自怡澤漁陽鞀鼓震長安禍亂宜從一朝積

翠華西幸蒙塵飛蜀道艱難會相憶至言逆耳棄不
收遣祭徒勞長歎息古來忠讜盡如此端欲濟時如
穀帛空令萬世滄海南萃兀高名配韶石於粲荔丹
焦葉黃廟貌屹然茲血食身亡道立復何求失策自
與當時惜丹青誰爲寫清姿風度嚴凝見顏色顧侯
好古如古人此本云自昭陽得笏囊無復使人持奕
奕蟬冠照虛壁象設會聞鐵作胎英靈尙想心猶赤
拜公遺像激慟衷悵望天南瘴江碧高辭險語極揄
揚勉強追酬愧非敵

小閣晚望書懷一百韻示仲弟并簡顧子美

歲晏羣陰積天高霰雪晴西山來爽致小閣湛虛明
曲檻馳孤照微雲點太清泛觀周宇宙曠望出枝撐
九隴龍蛇伏梁溪組練縈翠烟浮近市碧瓦麗高甍
湖外千巖秀林端一帶平松篁森蒼蔚樓觀鬱崢嶸
天末氛埃歛坤倪物象呈清風生戶牖秀色入軒楹
北極星辰拱東臯雨露蠲寸懷舒遠日萬感集孤情
憶昨陪螭殿終年侍玉京含毫青瑣闥通籍鳳皇城
獎擢知恩重臨危覺死輕囊書朝入奏襍被夕徂征

去歷溪山險歸虞盜賊驚西江足波浪南國滿旃旌
迂路良非策尋家不計程天戈戡狹獠廟略掃欃槍
蕪沒田園在歡呼僕隸迎亂離才甫定患禍忽相攖
風木悲摧感祥琴慘愴聲誓終墳墓守望絕縉紳榮
卜築誠長計棲遲豈釣名當爲千歲蠶那作九臯鳴
示舌羞張子輕身笑爾衡盤桓且邱壑騰踏自公卿
未具函關駕聊從谷口耕歲功方險惡供給敢豐盈
瘠隴饒稂莠彪池批稻秔何心謀肉食充腹但藜藿
孤笑彈長鋏微吟就短檠開編聊自慰攻苦飽曾更
卮酒和糟粕盤飧雜蚌蠃恐須食翠栢尚未刷黃精
破臘冰漸解春迴草木萌且休吟蟋蟀行復聽鷓鴣
獻歲三朝始初陽一氣亨小梅舒凍枿柳茁枯莖
簾幕還飛燕園林又轉鶯試編居士屨學種故侯營
抱甕澆芝朮聯畦蒔杜衡摘甘聊共割釣美得同烹
烟艇笠簪穩雲溪略約橫行吟携古錦坐隱寄文枰
據石從歌帽臨流可濯纓閒中端有趣身外更無營
古寺迴巒擁細泉幽竇傾帶雲酣曉杓和月貯春罌
繞徑搖金碎循除響玉琤由來穿蠟屐未必羨葱珩

借問披衣慣何如結佩精端知綬若若不假鐵錚錚
匠石宜遺櫟山川詎舍駢甘爲書裏蠹憚作廟中牲
雲鵠翰方鍛風鳶羽正翔隱淪隨綺皓菹醢歎韓彭
坐逸真僥倖時康孰使令溥天期一稔率土慶羣氓
耒耜三農出倉箱萬寶成餘糧飽羸瘵大屋芘發燁
稚耄皆含哺潢池不弄兵人咸安賦畝吾亦樂柴荆
已與猿狖侶猶懷犬馬誠憂心能悄悄執節信硜硜
老去將忘世朋來且命觥嘉賓期座滿陋巷或車轟
幽鳥會心近良辰樂事并黃梁菹露薤白蠟毛霜橙

能一作難

何苦三升戀當爲五斗醒澗蕁舒翠縷林荀脫文縑
池草鋪新綠亭花藉落英醉眠方栩栩兒泣任嗶嗶
庭樹朝嘲雀書帷夜話蜻心清香篆繚耳隱梵鐘鎗
遊宦從諸季浮沉許拙兄棣華知曄曄伐木亦丁丁
操履資磨琢論文貴討評杖藜扶跛倚藥劑發聾盲
絕倒心都醉奔馳視只瞠風流懷衛玠敏捷憶袁宏
願見摩天手真成擲地珥戈矛萬人敵膾炙五侯鯖
意妙操干舞聲希舍瑟鏗味深飴醴酪調古奏讖誣
文社誰襟袖詩壇爲主盟中書仗毛穎發墨賴陶泓

友直常希黯言剛酷鄙振藏刀真善割膠柱未能箏
數馬須資策馳車必式閱傳家惟義訓教子謝金籬
婚嫁何時畢遨嬉莫我爭浮家茗水去乘興剡川行
吳殿悲遊鹿秦宮弔拱甍爐峰看瀑布綵嶺聽吹笙
神嶽登嵩華仙洲指沃瀛冲天思御鶴跨海欲騎鯨
浩蕩愁千古翱翔撫八紘會當期若士高揖笑浮生

唐植甫左司許出示所藏紅絲研輒成短歌奉

呈并簡顧子美

羲和整御升暘谷赤雲夾日如飛鶩晶光下射東方
山石卵含丹孕巖腹誰令巧匠鑿山骨截此頰堅一
肪玉琢爲巨硯形製奇中有彤雲爛盈日端溪美璞
色馬肝黯歛珍胚紋霧縠豈知至寶出嶠夷散綺浮
花彩尤縛鳳珠空聞名字佳龍尾苦笑規模俗漫誇
眉子鬪嬋娟休認明眸類鴿鵲顧盼幸蒙君子知拂
拭自遠塵埃辱火輪炫熒赤烏流墨海齋淪元兔浴
千金象管雕鏤精百煉松煤龍麝馥怒猊渴驥縱奔
擎春蚓秋蛇相結束楮生便覺肌理妍毛穎何嘗免
冠秃公家三世擅直聲此硯提携資簡牘力侔天地

掌中迴膽落姦諛筆端戮固宜祕玩不輕示神物護
持無輒贖愔明几淨齋閣深日煖風清靄松竹試將
墨妙寫新詩落筆烟雲歎神速矧公早年曾餌丹龜
鶴精神鬢毛綠久卧商山茹紫芝之行度天門騎白鹿
猗蘭玉樹富堦庭黃卷青緗賸編軸願言十襲遺雲
仍大筆高文永相續

次韻子美提舉許雪中見過之作

殘臘苦寒情味惡萬里風雲欣雪作夜積端愁坤軸
傾曉望却驚天界廓玉龍鱗甲卧羣山水海波瀾凝
巨壑謝家兒女自多才笑咏飛花度羅幕金爐未覺
獸炭溫錦帳猶訝貂裘薄書生飢甚况復寒坐聽朱
絃折臨嶽松孤竹老念山林甲冷戈寒憫沙漠豈思
龍尾賀千官且疊琴心舞雙鶴瑤林玉樹粲迴環勿
謂軒庭全冷落擁門但作袁安卧命駕誰思子猷樂
溪山如畫真自如金玉滿堂端不博煩君携具款我
門注目遙空登晚閣凍吟猶作號寒聲此病欲醫那
有藥公家故自富香醪我亦安能辭巨杓醉看萬事
雪銷凝妙觀圓成不須學

次韻邵子非見贈之作

持竿相與釣鯨魚，歎息平生術已踈。
嬉戲尙能追舊事，窮愁聊復著新書。
昂霄聳壑公行爾，拂石眠雲我自如。
卜築相望纔一水，未應歲晚長一作恨悵離居。

次韻子美寄汪彦章同遊惠山之作

結廬絕無車馬喧，雀羅可設深扃門。
北窓一枕半成夢，剝啄叩戶驚心魂。
故人見遇通適我願，相與携手遊山樊。
春風桃李已零落，孟夏草木行滋繁。
下瓢共酌陸子井，策杖更步公垂園。
山肴野簋助清賞，此心非

子將誰論。人生聚散如露電，訪舊歎息無多存。
區區得失何足較，瑟僂但期終不諼。嗟予夙昔志四海，遠遊欲學飛鴻軒。
南征會上帝子閣，暮雨朝雲相吐吞。西山積翠多爽氣，大江縈練方東奔。
十年回首如夢到，舊事今復聞公言。邇來百念已灰冷，但願痛飲窮朝昏。
新交漸鮮俗緣省，久要更覺情懷敦。山中蕙帳不落寔，無復怨鶴啼驚猿。
平生有意師老氏，以退爲進卑爲尊。致君澤物付公等，我乃送老溪前村。置之此事勿復道，且須吸盡黃金樽。

蔣山佛果師爲緣事來而此土方飢戲賦是詩以
發一笑

鍾山禪老天骨奇叢林宴坐如孤羆諸方宗仰第一
義說法古作霹靂飛年來爲衆建廣廈胸中結構良
峩巍修梁巨棟資喜捨餅錫不憚東南馳飛騰道俗
走檀越堆積金貝羅珠璣此方旱潦異常歲百里稚
耄方流離析薪鬻子給朝夕闔境半作嬰兒啼坐看
緣事莫錯手却欲反着僧伽梨未聞蘭若泣龍象好
把信施粥寒飢向來收拾大寶聚隨手散盡真慈悲
惟師具眼得空觀梱載豈愁垂橐歸吾言可聽勿惆
悵無價寶珠元在衣

次韻葉少蘊內翰丈雪川上買得弁山石林二

首

翰林風度世間無炯若清冰置玉壺暫向雪川謀小
隱未應魯國舍真儒平泉草木何須記杜曲桑麻幸
可圖我亦新霑散人號浮家正欲老江湖
視草金鑿不記年却將心事付林泉歸居盤谷真良
策買得愚溪定夙緣隔竹聞聲鳴佩玉揮毫落紙散

雲烟欲誇水石無窮趣故把新詩得得傳

近約周仲居同遊陽羨以私故不果見寄筍簾

因成此詩

勝遊尙爾阻躋攀自愧閒中亦未閒多謝幽人分筍
蕨宛同春日到雲山洞天上下烟霞裏溪水迴環圖
畫間暫過豈能窮妙賞結廬終欲老疎頑

次韻顧子美見示久雨三首

一春常苦雨入夏尙怪晴雲物頻舒卷軒窓乍晦明
下田嗟漲溢高岸惜頽傾蔓草無情思芟除又發生

朝來疑欲霽雲氣復如蒸泥潦疲馳驟晨昏錯寢興
及時初可喜失節反堪憎安得西山出層樓共一登
中夏猶袂衣澤國信殊候連陰不復開似欲無晴晝
涓涓簷間滴駛駛渠中溜蒼生環堵完蓬恤吾廬漏
寄毛達可內翰并錄送魏公別錄

穀水柯山蘊秀奇精忠深結冕旒知玉堂視草久推
重金椀書名猶恨遲廊廟未應忘澤物江山且復助
題詩慙勤寄錄韓公事好爲斯民更築基

迂愚聊復隱清時幽事相關只自知滿地落花看鶴

舞一軒春雨對僧棋閒中日月真銷得物外烟霞漸
可期坐致時康賴公等不須深遯採商芝

蓴菜

渺渺春湖水拍天紫蓴千里正聯絲初抽荷葉半含
露旋摘龍須尙帶涎鹽豉欲調難並美鱸魚兼憶豈
非賢自憐不是知機士飽食空能上釣船

送李泰發吏部赴官陽朔

意氣相期會面前謫官邂逅兩蕭然誰憐蘭省鷓鴣
友去作桂林山水仙直道事人宜免黜拙謀于我欲

爭先寬恩下逮宜非久來買梁溪二頃田

陽朔溪山冠百蠻羨君遠宦得躋攀聲名已落寰區
內忠信自行夷貊間山作劍鏃攢峻拔水如羅帶巧
廻環此生又作南征計好把輕綃寄一斑

寄李泰發吏部

我生稟賦愚且屯昔遊帝所知何因狂言妄發取譴
廢屏跡分甘麋鹿羣公于何許知姓氏迂趾訪我梁
溪濱平生傾蓋意氣合談笑便覺襟懷親如公才識
邁等倫緩步自當居要津胡爲亦復作此態出語輒

已驚臣鄰扁舟歸探會稽穴單騎去指蒼梧雲嶺南
風土不全惡陽朔山水古所珍郎官出宰乃故事絕
徬萬里皆吾民布宣德澤被蠻邑獷俗可使風還淳
古來節士志溝壑笑視生死同埃塵甘心刀鋸蹈鼎
鑊爲一作殉爲國詎免危其身聖朝寬大幸無比竄謫未久多
蒙恩轅駒仗馬戀芻豆何用局促聲長吞堂堂基業
甚宏遠豈使扶助無良臣勉旃行矣佇旋旆乘輿且
訪山陰人

同翁士特小飲中隱堂

三伏炎蒸畫舸迴蓬門聊復爲君開松篁陰翳罇中
淥杖履逍遙池上臺小雨乍隨雲影散好風還逐月
光來虛堂夜久羣躡息枕簟相從亦快哉

士特見和復次前韻

邱園命駕未應迴三徑還同蔣詡開盤谷粗能容蕙
帳釣天無復夢瑤臺稚年尙憶嬉遊處老境相從歸
去來幸有西山供醉眼不妨吟望思悠哉

同士特遊惠山再次前韻

九峰秀色照溪迴古寺崢嶸殿一作閣開漱玉泉聲鏘石

洞鬱藍天影抱瑤臺親賓情話真難得巖壑幽尋豈
易來且復淹留同一醉未因遣權念歸哉

瑤臺一作瓊臺

題周孝侯廟

周侯高節冠千古志氣剛明乃如許劍斬長橋戟尾
蛟刺殺南山雪毛虎歸來一聽閭里言折節宜辭遠
遊苦學成名立世共驚殉國忘身乃其所至今血食
荆溪濱廟貌崇深日簫鼓我來再拜仰遺像思古傷
今悵誰語君不見淮陰跨下已亡奇噲等何羞與爲
伍

余乙巳春赴奉常召如京師五月四日至京口

同似表叔易遊北固甘露寺

招提殿閣鬱嵯峨占得江山氣象多一水下臨縈素
練兩山對峙疊青螺乍欣心目到空濶坐看風雲相
盪摩景物自新人自老舊遊追憶奈愁何

雨中渡楊子江書懷呈似表叔易

波光淡淡艣聲圓風軟潮平利涉川浩渺雲濤連海
嶠空濛烟雨濕樓船江山雄偉冠天下景物瓌奇繞
目前遠蹟禹功須我輩感時懷古一悽然

同似表叔易置酒平山堂

暫停征擢此從容歎息前賢結構雄心眼乍隨天宇
潤笑談不覺酒罇空江光隱見軒楹裏山色虛無烟
雨中種柳仙翁何處去年年踈翠自春風

過召伯埭遊斗野亭次司諫孫公韻

星斗照淮楚綠野如砥平茲亭結構小景物有餘清
我來值祥暑霽霧塞高甍登臨得佳友坐使懷抱傾
方塘揚柳合極望菰蒲生仰德思謝傅弔古傷燕城
濁酒聊共酌小鱗鮮可烹抱拙卧江海胡爲復此行

區區螢燭光何補日月明稽古得車馬平生笑桓榮

途中書懷

去國飄零伴一星誤思還許謁承明已甘松菊老三
徑豈有材猷厠九卿晚景故慙題社客壯懷多謝棄
繡生片帆自逐南風起遇坎乘流且麼行

新開河食鰕魚戲成

平湖渺漫煙蒼蒼菰蒲擢秀新荷香漁舟演漾出深
浦舟中鮮鰕肥而臧傳呼就買不論價得錢留魚魚
眼光細鱗哆口佳鬢鬣爛斑點黑微塗黃巨盆汲水

傳一作傳

養餘息撥刺奮尾猶洋洋付庖薦酒擇困者揮刀切
玉莖柱薑翹生風味已醞藉得此更使不可忘松江
之鱸不足憶銀色詎數蘇州魴惜哉行役難駐權一
飽未許盃盤常雨袞煙笠乃吾事安得獨釣青茫茫

泗上瞻禮僧伽塔

湯湯淮泗濱實爲至人居至人骨已冷靈響初不渝
巍然宰堵波金碧耀雲衢突兀三百尺勢欲凌霄虛
乃知天人師宜有神明扶憶昔歲乙未奉親由此途
開關瞻睟容端相不可誣清秋日當午爲現摩尼珠
蟬聯寶鐸開懸綴如流蕪萬目共瞻睹雅耄驩驚呼
重來念舊事感歎涕潛如再拜禮雙足如師真丈夫
汴上有感

不踏隋池今幾日重來空歎二毛侵黃流渾渾帆檣
影綠岸森森榆柳陰雨霽鳩鳴呼婦急晚涼蟬噪感
人深區區往返何爲者誰識先賢用捨心

梁溪先生文集卷第十六 五月初八日校

梁溪先生文集卷第十七

特進觀文殿大學士致仕薩西郡開國公食邑
四千四百戶食實封一千七百戶贈太師諡忠

定李綱著

詩十三 自丁未秋罷相後所作
及戊申歲四十六首

序

寶劍聯句

山藥

煨芋

食蟹

對菊小飲簡申伯叔易

小飲卽事呈申伯

玉華宮用杜子美韻

九月八日渡淮

九日與申伯叔易飲

章華宮用張藉韻

次韻季弟善權阻雪古風○善權卽事十首

題朝川雪圖

次季韻賦花三首

宿黃栢村館

盩厔縣圃雜花盛開二首

咏草

初見楊花

黔歛道中土人獻牡丹有盈尺者爲賦此詩

自鄱陽泛江至星子

過彭蠡

遊落星寺

望廬山

韓德全以小舟相迓于落星寺下

遊廬山

過玉潤道人草堂

五老峰

羅漢寺

欲遊尋真觀不果栖雲庵

三峽篇

萬杉寺散珠亭

諸利以石渠道水有十餘里者感之賦詩

序

詩以風刺爲主故日上以風化下下以風刺上主文而諷諫言之者無罪聞之者足以戒三百六篇變風變雅居其大半皆有箴規戒誨美刺傷閔哀思之言而其言則多出于當時仁人不遇忠臣不得志賢士大夫欲誘掖其君與夫傷讒思古吟咏情性止乎禮義有先王之澤故曰詩可以羣可以怨小弁之怨乃所以篤親親之恩鴟鴞之貽乃所以明君臣之義谷風之刺乃所以隆夫婦朋友之情使遭變遇閔而泊

然無心于其間則父子君臣朋友夫婦之道或幾乎
 熄矣王者迹熄而詩亡詩亡而後離騷作九歌九章
 之屬引類比義雖近乎排然愛君之誠篤而嫉惡之
 志深君子許其忠焉漢唐間以詩鳴者多矣獨杜子
 美得詩人比興之旨雖困躓流離而不忘君故其辭
 章慨然有志士仁人之大節非止模寫物象形容形一作風容容色
 澤而已余舊喜賦詩自靖康謫官以避謗輟不復作
 及建炎改元之秋丐罷棧政其冬謫居武昌明年移
 澧浦又明年遷海外自江湖涉嶺海皆騷人放逐之

鄉與魍魎荒絕非人所居之地鬱悒無聊則復頽詩
 句攄憂娛悲以自陶寫每登臨山川嘯咏風月未嘗
 不作詩而發不恤緯之誠間亦形于篇什遂成卷軸
 今蒙恩北歸哀葺所作目為湖海集將以示諸季使
 知往返萬里四年間所得益如此云庚戌清明日梁
 谿病叟序 仁人不遇忠臣不得志賢士大夫
 一本作仁人忠臣志士賢大夫

寶劍聯句

造化鑪錘巧山溪鑛鑊良精金付甌冶妙手鑄干將
 淬礪成鋒鏑 伯紀 飛騰辨耿光青黃司火候 申伯瓜

髮助所禳桃氏幾時獻叔正龍文難久藏鱗敝識松

理乙屈認魚腸黯黯青蛇色伯紀炎炎赤帝解提携

起三尺申伯駕馭叔羣狼彈鋏悲馮子叔正誇鐔悟

趙王神功歸不試利用運無旁贈客千金直伯紀方

人百鍊鋼還須玉具飾何用蒯緱裝詎使妖腰喜申

伯常容節士狂純盧非斌媚巨闕太堅剛簪勃衝牛

斗蜿蜒接混茫疇能寶於越俱議刻餘脰技拭資神

士叔正珍藏閔寶房斬蛟誠壯勇剽象見銛鉉韓信

歸高祖朱雲賜尙方雄才元倚仗佞膽已飛揚渾脫

公孫舞伯紀縵胡庶士傷吳鈞能曲折蜀漢有文章

六賜恩何厚三名怨未償先知吼蛟兕摩鈍凜冰霜

犬子常思擊申伯猿公莫敢當翁歸備文武季路戒

疆梁疾視真何事叔正要盟或可臧鏡天墮慧孛適

野走彷徨麾拂飛雷電伯紀軒昂變雨暘刺強同匕

首定亂豈長槍叔向排當御昭王畏拙倡買牛今欲

老申伯鑄罇歲方穰叔正徐國留吳札鴻門蔽項莊

柱願真貴盛擊柱妄披猖曜僭山妖見秦興水怪彰

萬人猶可敵一映未應敗不動驚公勝爲誇異伯陽

斷匪猶未妙穿屋始非常止水涵晶瑩踈星點角芒
聊須爲武備何必事戎行要並宗臣履休同小盜裳
衝星憐杜子斫地歎王郎申伯不假蒙須使使真成刃
手創新礪如可發故物未應忘叔正黠虜稱兵急王
師擊鼓鏜氛埃期掃蕩心膽爲開張未斬樓蘭級那
銷黔首瘡幾回開匣罷但欲引杯長踟復防身佩毋
爲躍水亡報君吾志畢以何倚扶桑伯紀

山藥

山家爲我斲青冥養就仙芝指掌明風味自應珠紫
芋功名初不減黃精藤盤欲荐冰霜質石鼎先聞風
雨聲辟穀留侯正歸去淡然悠久見交情

煨芋

今夕何夕夜未央天寒擁爐更漏長縮肩環坐有饑
色呼童取芋灰爲塘蹲鴟得火良易熟脫落皮毛如
紫玉迭煨迭進爭相先笑語頗喧喧知實腹錦里先生
亦不貧家園收拾重千斤凶年自可活妻子美好不
減岷江濱鄴侯昔遊衡嶽左懶瓚食餘貽半個我今
歸去隱家山豈復從人覓殘顛臞儒奉養亦已微一

飽便吟煨芋詩君不見齊公夜半意不賺易牙煎熬
燔炙和調五味而進之

食蟹

秋風蕭蕭蘆葦蒼野岸郭索紛成行持矛被甲正雄

真一作正

健意氣真欲行無旁朝魁執穗似有禮擁劍敵虎何

其強野人篝火夜採撥束縛赴鼎如驅羊樽前風味

若無敵毫以橙橘尤芬芳流膏斫雪快一飽咀嚼海

錯皆尋常丹楓夜落吳天霜穰稬欲熟千畦黃梁溪

白蟹正可釣雛鷄濁酒肥且香先生歸去營口腹老

饕未許他人嘗家山漸近意漸適思歸豈獨鱸魚鄉

九月五日對菊小飲簡申伯叔易

淵明愛此九日名對菊無錢可留客杜陵爛醉作生

涯青蘂空嗟未堪摘我今鼓枹適長淮坐見幽叢爛

熨開自從多病久不飲又爾一洗黃金壘東南節物

誠已早翠葉金花爲誰好三徑荒蕪爾尙存未覺出

山同小草世間萬事皆可忘且須泛此酬秋光平生

最愛老坡語菊花開日卽重陽

小飲卽事呈申伯

夜涼同味古人詩新月娟娟照酒卮一醉且忻軍寇
退扁舟似與菊花期銜杯樂聖真吾事泛宅浮家漫
爾為歸去雲山最深處隔江千里幸相思同味一作同詠

玉華宮用子美韻

阿房但遺基銅爵亦飄瓦茲宮製何朝棟宇妙天下
溪山最清絕畫手不可寫于今黍離離客過淚如灑
迺知營宮殿徒以業力假起滅猶浮漚聚散齊一馬
如何世間士天運欲持把此理貫古今宜有知之者

九月八日渡淮

長淮渺渺烟蒼蒼扁舟初脫隋渠黃平生見此為開
眼况復乞身還故鄉嗟余涉世誠已拙徑步不虞機
弁設空餘方寸炳如丹北望此時心欲折楚天清曉
作輕寒黃蘆着霜聲正乾川迴金碧隱窳堵風遠鐘
磬聞龜山觴聲嘔軋歸何處笑指江臯尋舊路松菊
荒蕪欲自鉏盜賊顛翻非所懼時聞錢塘盜作故云蟹螯菊菜
風味逾且須為盡黃金舟世間種種如夢電此物能
消萬古愁

九日與申伯叔易小飲

上客相從稱玉觴楚天杳杳湛秋光紫茱黃菊有佳
色白蟹頰鱗聊共嘗自晒三朝爲逐客常於九日旅
殊方十年往返成何事贏得蕭蕭滿鬢霜

章華宮用張籍韻

楚王初建章華時修梁巨棟如雲垂諸侯共落相長
鬣示汰往往逃而歸當年左史歲王闕所招之詩爲
之發固宜便嬖意相當肯使俊乂居周行宮中門戶
如蓮房錦茵繡幕春風香娥媼曼昧肌雪霜侍燕承
娛夜未央金石間作侑玉觴吧觥不復稱公堂志窺
九鼎輕天王翠被豹舄垂瓊璫乾谿之辱豈其壽峻
宇雕墻涵于酒

次韻季弟善權阻雪古風

歲晏江南三尺雪奕奕漉漉遂連月意濃豈是天網
踈勢重便疑坤軸折溪行小艇碎瓊瑤自勝縞帶隨
車轍暝投蘭若寄僧房更覺千巖鳥飛絕憶昔宣和
全盛年嘉瑞應期來自天千官朝賀未央裏仰視龍
尾垂蜿蜒珠樹空煌青瑣闥玉花浮動蒼龍闕但將
歌舞賞清妍肯信山河會分裂自從國步多艱難胡

騎長驅窺漢關陰風慘淡隨殺氣見雪反使摧心顏
古來治理初無別中國浸強胡浸滅坐令和氣變陽
春肉食于今未宜忽迂愚放逐恩已寬敢憚道遠貂
裘寒空餘炯炯寸心赤中夜不寐憂千端素髮飄蕭
頭已滿百年光景行將半未知夢幻此生中幾回看
雪光凌亂會當掃蕩豺狼穴國恥乘時須一雪酒酣
拔劍斫地歌心胆開張五情熱中興之運期我皇江
漢更灑纍臣血

善權卽事十首

荆溪移擢雪漫漫皓色連空眼界寬練帶縈迴迷菴
畫玉屏齒翠失銅官風飄珠槩來元圃槎泛銀潢到
廣寒安得丹青似摩詰生綃寫作畫圖看

十日荆溪雪未晴敲冰聊作善權行最憐擊碎瓊瑤
片欲愛長聞環珮聲百仞巖端仙鹿過千株松下老
僧迎斯遊自覺平生少頗怪淹留景太清

雪着溪山淡復濃行舟疑在玉壺中雲藏半嶺深難
見冰塞長川逸未通賴有僧房容假榻未應塵跡歎
飄蓬勞生夢幻成何事萬古閒愁一笑空

山掩溪灣三四家竹籬茅舍暮烟斜仙村自種田田
玉梅徑疑開處處花近渚冰銷迷浴鷺遠林煙暝數
棲鴉年年值雪長爲客對此淒然感歲華

小童又報雪花飛深炷鑪烟欲起時浙瀝乍聞經竹
葉飄蕭初看著松枝南人共訝何曾見北顧深顰有
所思牢落無言自搔首却驚華髮頓成絲

一夜凝寒雪意濃禪房睡美不聞鐘起看銀色三千
界更憶瑤臺十二重戴白蒼官尤覺好折腰青士若
爲容暮晴透出寒蟾色爲照溪頭羣玉峰

連日風雲匝地陰玉花飛舞滿煙岑竹窓夜色棋方
適書幌朝寒酒倍酣幸有高人同勝賞不妨佳處得
幽尋庭前暗積知多少短一作遠自築筇枝探淺深

山空烏雀傍簷楹景短短一作遠惟聞鐘鼓聲懶瓚但知煨紫
芋少陵何處斲黃精江南寇盜休無賴塞北煙塵迄
未平太息浮生端值此不如無念契無生

霽色初開雪未融坐來風撼落長松林苒趨捷綠饑
鼠洞壑深沈蟄老龍致遠未須金驥裏憑高且看玉
芙蓉豐年最有田家樂雪屋何妨入夜春

朝來鳥雀報新晴
乍喜窓間日影明
糝徑楊花渾寂寞
倚簷冰柱漫崢嶸
早梅向暖垂垂發
好鳥知時得得鳴
從此陽光漸舒暢
放回春色滿江城

投金瀨有感

楚王聽讒誅五卿
招呼二子同就烹
子胥彎弓見使者
義不戴天非惜生
操瓢乞食困江表
曷嘗一日忘郢城
漂水之陽遇士女
壺漿簞食欣相迎
當時追捕尙爾急
殺身滅口意豈輕
霸吳何止服句踐
破楚遂以鞭荆平
倒行逆施道雖遠
復仇據憤聖所稱
却來訪舊欲報德
歎息玉質隨流萍
投金淺瀨亦何有
聊以寓意通精誠
哀窮進食類漂母
解劍掛墓同延陵
古人已矣不可見
空有史筆垂名聲

題成士毅所藏朝川雪圖

朔風飛雪何漫漫
羣山大半埋雲端
藍田印壑不易得
更把雲雪粧林巒
茅齋竹屋架巖巘
軒楹面勢隨所安
素華浙漑灑空翠
逼耳似聞聲正乾
層崖凍瓦石欲裂
飛瀑不礙雙流湍
長松落落有生意
連臂下飲惟元猿
椒園柳浪渺安在
髣髴猶認茱萸荒
乘危

跨蹇者誰子竦肩縮袖何其寒祇應詩句獨有得不
減灞橋風雪間幽人一去久寂寞寒藤滋蔓誰能刪
生綃數幅寫絕景空有圖畫今人看

次季弟韻賦梅花三首

冷藥疎枝烟水濱江南此地又逢春年年行路長爲
客的的寒花解笑人雪裏暗香來鼻觀風前高格見
天真誰言對爾銷愁得一段清愁特地新

年年青女久橫陳賴有江梅清洩春孤潔如親隱君
子風流似對謫仙人雅期蘭蕙香非遠解笑松華色
未真開罷枝頭著青實故教桃李一番新

羣芳凍死未招魂誰使梅花獨占春願折繁華憑驛
使爲傳幽思惱詩人心馳魏闕慙商鼎路入章江憶
子真莫道廣平心似鐵賦辭得得與清新

宿黃栢村館

客館可人意敢懷行路勞軒牕面蒼翠棋酒助嬉遨
雨過竹聲碎風搖雲影高人生隨處適何必賦離騷
寓益國縣園中桃李雜花盛開因感而賦詩

春光不爲干戈薄花縣縱觀桃李開可惜繁華勞剪

刻莫教風雨便殘摧溪山有意相輝映蜂蝶多情自
往來應笑逐臣心似鐵客中扶病亦登臺

乍雨乍晴三月節半開半合百花枝傷心春望不堪

物一作事

遠感物淚痕長欲垂塞北但知隨水草江南何事插
旌旗上林無限鶯花老應怪來遊鳳輦遲

咏草

夢覺池塘碧草萋風搖煙濕已菲菲絲聯山色不知
遠惆悵王孫何日歸微質亦知煩雨露寸心終欲報
春暉芳根縱腐猶能化舞蝶流螢到處飛

休寧縣驛舍初見楊花

山館風光隨分好方塘碧長萋萋草楊花搖蕩入疎
簾又是一年春色老

黔歛道中士人獻牡丹千葉面有盈尺者為賦

此詩左選本
無面字

平生愛花被花惱每見牡丹常絕倒自從喪亂減風
情兩年不識花枝好邇來謫墮烟雨中行色日與春
光濃今夕何夕見粲者頗類壽安千葉紅豈知黔歛
深山裏乃有此花端若此不論玉板與鶴翎可亞姚

黃并魏紫嫣然見我如感傷似訴處此非其鄉吾衰
多病不解飲對爾歎息空持觴人言老境花如夢獻
此殷勤情已重蠟封瓶貯可多時惆悵洛陽今不貢

自鄱陽江至星子

我行黥歙間山隴如黏蠟澗水互縈繞路石何嶮嵒
深谷四無景峻嶺千雲霄朝行嵐氣合暮宿怪禽號
吾雖一險夷無乃徒御勞及茲夏潦漲弭節俯江臯
試命具舟楫聊以釋煩囂巨浸與天永東流日滔滔
來檣與去櫂倏忽馳千艘進舟枕席間舟子巧所操
江山通隱見景物資遊遨頗同謫仙人醉著官錦袍
長嘯倚柂樓軒然咏離騷心隨八極遠身逐秋鴻高
風帆劈巨浪大艣駕雲濤百里須臾間千里不崇朝
快哉可以賀把酒持螯

彭蠡

神禹治水江爲最邇迤透蛇鍾作滙泓澄不獨陽鳥
居浩蕩端使羣川會羣川已會江不湍朝宗到海東
南安煙收雲斂望不盡眼界始知天宇寬世傳揚闕
并左蠡無風白浪如山起我今謫宦此中行何事恬

然風浪止陽侯也自可憐生不學世人皆世情好風
已借一帆便霽色更增雙眼明晚來畫舸鳴六鴈超
忽千山如脫兔波心突兀見星宮雲際崢嶸望廬阜
世間此景良不多洞庭三峽真么麼共浮大白期一
醉對此不飲當如何

遊落星寺

一氣升沉誰所牽隕星爲石古不少羣川會處渺無
涯墜此精堅鎮江表坐令釋子開梵宮棟宇規摹浮
玉小窈窕樓臺四面通洶湧波濤千柱儂我來端是
好幽奇一葉飄然凌澆渺初疑牛女在銀潢更訝靈
槎經畢昴星房月殿夜沉沉水色天容秋杳杳恍如
清夢到天門欲駕鸞輪憩蓬島塵世喧囂那易得幻
境去來何日了心閒境寂付幽人衲被蒙頭任昏曉

望廬山

多年不省廬山面江上初從望中見秀骨蒼顏五老
人顧我欣然如素善香爐峰頂紫烟浮瀑布遙看銀
漢流雲舒霞卷互明滅倏忽變態無停留卻疑清夢
尋邱壑風物何爲宛如昨縱令真是夢中看夢未覺

時良不惡平生所願今乃償寬著日月遊山房青鞋
布襪久已辦百錢掛杖聊徜徉

韓德全以小舟相迓于落星寺下

故人一別兩寒暑雁斷魚沉杳何所那知迎我落星
傍一葉凌波聽掀舞宵中耿耿初自若身世悠悠乃
如許且須酌酒澆肺肝慎勿開口論今古

晚出南康遊廬山

捨舟星子渚遂作廬山遊空濛杳靄間十里松桂秋
草木吐香潤泉石交橫流乃知山中物一一皆其尤
嵐逼空翠濕峰高紫煙浮心閑雲出嶺眼淨龍還湫
月壑夜窈窕風林晚颼颼稍聞鐘磬聲迥覺梵宇幽
平昔念清賞孰云今乃酬似非人間境須向物外求
顧揖雖不暇吟哦浩難收聊將詩紀行一洗他年愁

過玉澗道人草堂

道人妙彈琴能作醉翁操人亡琴亦亡頗爲識者悼
草堂玉澗邊蕪沒已秋草總帳鶴驚空藥杵香餘搗
竹光淨如洗桂子寒不掃松風肅泠泠猶想琴聲好

五老峰

五峰秀出如五老髣髴蒼然長美好問之不肯道姓
 字儼然子房從四皓商山採芝亦已久漢庭辟穀何
 其早優游相與定儲皇攜手江湖共幽討化為峰石
 寄山顛下視塵寰真電掃衣冠想像翁偉然容貌至
 今初不槁祇應明月見當時間有白雲來問道逆將
 築室近峰前歲晚相依得相保

髣髴一作鬚髮

羅漢寺

寺有玉澗金池

梵宮臺殿古松桂碧參天玉澗碎寒石金池開小蓮
 循渠窮水脉榮杖到巖顛漸入廬山境從參五味禪

白羅漢院欲遊尋真觀雨作不果遂次栖賢聞

尋真景物尤美留為異日不窮之賞賦詩紀

之

羽人之宮鄰五老杖履欣然事幽討那知一夜雨翻

盆山路難行愁滑倒世間違意常八九萬事皆然宜

情一作清

自保山靈豈是秘幽奇欲結清歡故相惱傳聞景物

冠廬山小殿飛樓更精巧古潭搖蕩明月光綠蘿青

松覆煙草屏風九疊雲錦張古來詩句謫仙好山中

道士不出門玉杵金丹手親搗我方放浪謝冠裳未

覺山林跡如掃真遊倘有不盡綠容我他年來訪道

栖雲庵

羅漢長老為退居之地
求予名之有大蛇其後

禪老幽棲地雲峰尺五天江湖縈縞帶世界現一作壞青蓮

說法三乘外藏身萬象巔潛虬蟠不去應聽祖師禪

三峽橋

我昔曾作雲安行道逢除書還玉京至今遺恨不一

到與聽三峽流泉聲此來又謫武昌去廬山當道欣

所經栖賢寺前小三峽拭目便覺增雙明黃牛明月

坐中見瞿塘灑瀨瀕森相迎山寒草木鬱葱蔭逼耳似

聞猿狖鳴懸崖亂石互迴薄震吼正坐不得平珠跳

雲滂巧激射晴晝雨雹驅雷霆壯哉造化融結此故

使水石相喧轟妙首流出無盡藏乃與衲子門庭爭

飛橋巖巖跨虛碧面對五老峰崢嶸我來雲物為開

霽當暑萬壑松風生提携更得二三子杖履不辜邱

壑情垂鉞得水不敢激老坡舊約今尋盟

萬杉寺散珠亭

一派飛泉落坐隅跳波沸石散成珠道人諦看空濛

際顛顛圓明定有無

諸刹皆以石渠道水有至十餘里者感之賦詩
廬阜秀江南凝結盡雲母泉源乃雲腴甘冽固其所
懸爲瀑布垂蹙作龍鸞舞交流澗谷中厥味皆鐘乳
僧房有能事致遠勞汲取鑿石爲通渠計里不計步
回環繞山麓高下映簷廡蜿蜒虹腰轉溜溜螭頭吐
沛然飲濯餘灌溉及蔬圃一作園誰將劊物智作此濟衆祖
暫勞逸則永心一力乃舉豈惟小物然萬事盡如許
吾道何其衰寤寐慨思古

梁溪先生文集卷第十七

甲子五月望大雨生園中後補